

內鄉縣志卷之十一

內鄉知縣加二級宛平寶鼎望重修

災祥志

洪範庶徵以五事配五氣時若則王道得而五穀  
昌恒若則五行汨陳妖孽並作休咎之徵如影響  
焉蓋日月薄蝕五緯過忒此合天下而爲占也若  
日月五緯歷度所次分野值之卽一邑亦可占驗  
罔非上天仁愛申儆之意耳夫反風驅鱷古循吏  
嘗能格天動物司民社者遇祥而謙讓未遑遇災

內鄉縣志

卷之十一

災祥

一

而恐懼修省則邑其庶幾乎志災祥

隋文帝開皇六年浙川水遣前工部尚書長孫毗賑  
恤之

宋徽宗大觀四年大水漂沒順陽縣

明憲宗成化二十年大饑斗米錢百二十文

世宗嘉靖七年秋大旱民多饑死人相食

嘉靖八年大有年

嘉靖三十六年大水堡南保丹江泛溢尤甚

穆宗隆慶五年春雨蕎麥豆

隆慶六年地震城東大水田禾湮沒房屋衝決堡南  
保丹江泛溢平地水深丈餘漂流廬舍是年大饑  
神宗萬曆五年春大雨雹傷麥

萬曆七年虎至東城下食人百姓震驚圍而捕之

萬曆十年甘露降於學宮是秋張悌李得中中式先  
後皆舉進士悌仕至大同巡撫都御史贈侍郎得  
中至山東布政使

萬曆十八年三月初四日夜昏黑大風俄而空中大  
明六月初四日雨雹

內鄉縣志

卷之十一

災祥

二

萬曆二十年六月十一日湍河大水至城下是夕大  
風雨拔木磚石皆飛

萬曆二十一年四月雨至七月方止六月尙未收麥  
是年冬大饑人相食

萬曆三十一年歲凶瘟疫人多死

哲宗天啓三年大雨雹 蝗

天啓五年大饑有得銀數錢卽鬻身者

天啓七年夏霖雨損麥冬大雪人畜多凍死

懷宗崇禎二年旱蝗

崇禎三年夏秋瘧痢盛行死者甚多

崇禎五年牛瘟民不聊生六月二十五日湍河水溢四十餘日沿河廬舍盡湮平地水深數尺

崇禎七年疫死者無數蝗蝻生

崇禎八年霽雨爲災斗米至六百錢民大饑盜賊四起

崇禎九年大疫死亡不可勝數竟有不掩埋者人相食

崇禎十年蝗蝻生集地厚至尺許

內鄉縣志

卷之十一

災祥

三

崇禎十一年疫五月蝗十一月地震

崇禎十二年旱蝗湍河水暴溢與螺螄河合而爲一

崇禎十三年大饑民煮蝗而食 山東流民歸者以萬計值歲凶不得食多饑死者 六月雪七月至

十一月不雨

崇禎十四年旱蝗

崇禎十五年蝗旣而大潦

崇禎十六年冬西南有赤白氣如川字形長丈餘踰

年方滅

崇禎十七年夏旱赤地千里斗米二千文

國朝順治二年元旦霾白晝如夜人對面不相見正  
月初七日雷電交作

順治五年四月朔日有食之 十二月空中鳴

順治六年虎徧食人行者甚少民多無病而死

順治十五年丹江泛溢舟入村莊博山遺蹟盡沒壞

民田無筭

順治十六年大饑四月星隕如雨

順治十八年夏大旱

內鄉縣志

卷之十一

災祥

四

康熙四年雹

康熙十六年丹江泛溢舟行村市

康熙十七年春恒暘夏霖雨夏麥無顆粒秋禾歉收

小米小麥每石價三兩有奇民多拾草剝樹皮以

充饑餒人多疫癘牛瘟繼之

康熙十八年大饑戶部左侍郎查庫帶領郎中詹布

禮石柱員外郎黨愛親賑河南巡撫兵部尚書兼

都察院右副都御史正一品加一級董國與河南

布政使加二十七級郎永清同賑撥滎陽縣米八

百四十石邳縣穀三百二十石賑濟內鄉被災染  
瘟饑民

康熙二十年八月朔日有食之

康熙二十一年暴雨崩城湍水出岸十二月大雪至  
次年連雨三月二十三日始晴

康熙二十二年九月空中鳴西北猶甚十二月雷鳴

康熙二十五年王汝用妻鄭氏壽一百九歲

康熙二十六年霽雨

康熙二十七年四月朔日有食之

內鄉縣志

卷之十一

災祥

五

康熙二十八年大旱泉竭

康熙二十九年冬大雪踰月雪積數尺湍河丹江冰  
結如石行者若履實地明年春深冰始解凍果樹  
皆枯

康熙三十年牛盡死 七月十一日大風晝晦疾雷

大雨雹傷禾稼樹枝多被損折 秋蝗

康熙三十一年元旦午時日有食之是年陝西饑民

流亡入境瘟疫盛行土著多被傳染死亡 蝗

無筭

康熙三十二年四月雨至於六月損麥禾

康熙三十五年饑牛瘟死者無數

康熙三十七年大饑

康熙四十一年二月雨至九月沿河廬舍漂沒禾麥

盡損

康熙四十二年大饑民剝樹皮掘草根爲食有饑死者賣男鬻女不計其數

康熙四十三年二月至七月不雨

康熙四十四年旱

康熙四十五年朔日有食之

內鄉縣志

卷之十一

災祥

六

康熙四十六年六月二十六日湍水出岸損秋禾

康熙四十七年八月朔日有食之

康熙四十八年三月二十三日大水損麥禾八月朔

日有食之

康熙四十九年春大饑

康熙五十年耆民盧明壽一百歲

康熙五十一年六月朔日有食之